



# Cumün da Valsot

Poz 86 • CH-7556 Ramosch

Tel. +41 (0)81 861 00 60 • Fax +41 (0)81 861 00 61 • info@valsot.ch • www.valsot.ch

Protocol

## Radunanza cumünala dals 24.3.2015

Presidi: Peer-Puorger Victor  
Preschaint: 27 votantas e votants  
S-chüsà: Karl Nef e Jon Denoth  
Scrutinadurs: manader administraziun e capo  
Protocol: Luzzi-Barblan Georg

---

tractandas	tema	respunsabel
------------	------	-------------

---

- 011 Legislativa  
**Acconsentimaint protocol**
- 011 Legislativa  
**Ledscha da catastrofas e lavinas**
- 100 Cudesch fundiari  
**Statuts dal cudesch fundiari**
- 790 Planisaziun dal territori  
**Contrat da cumprita Vestmezza**
- 942 Stabels da la facultà da finanzas  
**Constituziun dal condomini e vendita a la ditta Benderer Sent ScrL**
- 011 Legislativa  
**Varia (radunanza cumünala)**

011 Legislativa

**1 Acconsentimaint protocol**

Il protocol dals 17.12.2014 vegn approvà unanim.

011 Legislativa

**2 Ledscha da catastrofas e lavinas**

Il capo infuorma sco chi'd es gnü a la realisaziun da la ledscha. Elavurà han Antonin Hugentobler e Georg Luzzi. Il manader administraziun preschainta la ledscha ed infuorma impustüt sco cha talla es organisada. In avegnir existan 2 cumischiums, üna cumischium da lavinas ed ün stab da catastrofas. La radunanza cumünala acconsentischa unanim la ledscha davart l'organisaziun d'agüd in cas da catastrofas pel cumün da Valsot.

100 Cudesch fundiari

**3 Statuts dal cudesch fundiari**

Il capo infuorma als preschaints a regard ils novs statuts dal cudesch fundiari. Quists statuts han stuvü gnir adattats causa la fusiun dals cumüns. Ils capos dals 3 cumüns as fuorman in üna conferenza dals presidents ed ün da quels vegn elet sco president da talla. L'artichel 2 dals statuts definescha quist adattamaint dals cumüns fusiunats. La radunanza cumünala acconsentischa unanim ils novs statuts dal cudesch fundiari.

790 Planisaziun dal territori

**4 Contrat da cumprita Vestmezza**

Oriundamaing d'eira gnü suottascrit ün contrat da barat cul possessur da la parcella a Vestmezza suot il Vinadi. Sar Peter Senn ha però infuormà, in connex cul surmanzunà contrat, ch'el nu stetta plü bain da sandà e vögla vender la parcella al cumün. Sün quai ha il cumün preparà il novv contrat. La radunanza cumünala acconsentischa unanim il contrat da cumprita. L'import s'amunta sün fr. 15'000.00.

942 Stabels da la facultà da finanzas

**5 Constituziun dal condomini e vendita a la ditta Benderer Sent ScrL**

Il capo el manader tecnic preschaintan la partiziun da las parcelas sül areal Quadra Secha. La ditta Benderer Sent ScrL piglia a fit üna part. La part per realisar ils büros vegn però cumprada, quia as tratta da la platta da beton sur l'entrada da las garaschas vers süd. Il capo preschainta il contrat stipulà. Il predsch per quista cumprita s'amunta sün fr. 4'444.00. Pro quist predsch as tratta dal listess sco quel chi'd es gnü üttilisà eir pro contrats da dret da fabrica illa zona d'industria a Sclamischo. La radunanza cumünala acconsentischa unanim il contrat da vendita culla ditta Benderer Sent ScrL.

011 Legislativa

**6 Varia (radunanza cumünala)**

Il capo infuorma a la radunanza cha sar Gerhard Hauser, suprastant cumünal, banduna il cumün da Valsot e va a star cun sia famiglia a Scuol. Sar Gerhard Hauser ha infuormà al cumün implü eir, ch'el sorta dal cussagl administrativ da la Bieraria Tschlin SA, causa ch'el d'eira gnü elet in quella funcziun sco commember da la suprastanza cumünala cun dret d'ün sez il surmanzunà cussagl. Il capo manzuna la fich buna ed agreabla collavuraziun el grond ingaschamaint da Gerhard Hauser, sia quai sco chanzlist e suprastant dal cumün da Ramosch e plü tard Valsot. El giavüscha sün quista via tuot il bun ad el e la famiglia.

Plünavant infuorma il capo chi ha gnü lö l'avertüra da las offertas per la chamonna militara süls Madals. Retschevü ha la chamonna sar Karl Nef, Ramosch.

Causa chi nu seguan ingünas dumondas, ingrazcha il capo per la cumparsa e giavüscha a tuots preschaints amo üna bella saira.

7556 Ramosch, 30.03.2015



Il capo:

Il manader administraziun: